

二儀同卷

輔四

請觀世音菩薩消伏毒害陀羅尼三昧儀
金光明最勝懺儀

請觀世音菩薩消伏毒害陀羅尼三昧儀

宋東山沙門遵式始於天台國清

集於四明大雷山蘭若再治

叙緣起第一

此文再治凡四因緣一者爲國清始集之日

正欲於靈墟自修既迫所期遽取成就其間
事理文句錯雜廣略未允一往難曉依百錄
題請觀音懺法是也今之再治務本有在命
用經題以異衆製及所治本二者爲國清集
多潤色之語並削去之悉用經疏止觀等言
既援據有在俾後之人增長正信三者近得
國清所集晚學狂簡於懺願文後更添法華
懺文中四悔并音切梵字又見一本刪去諸
儀及觀慧等文直寫佛位并懺願而已題云
觀音禮文又一本應是老年書寫全行脫落

麤注不分却於行間私安注字意欲區別傷此等人好而不習輒便去取毀甘露門殃累非淺今用再治為遠諸過四者盡取觀慧諸文安於事後令運念周備免使行人時有虛擲應知大乘三種懺悔必以理觀為主止觀云觀慧之本不可闕也輔行釋云若無觀慧乃成無益苦行故也禪波羅蜜云一切大乘經中明懺悔法悉以此觀為主若離此觀則不得名大乘方等懺也補助儀云夫禮懺法世雖同敬事儀運想多不周旋或粗讀懺文

半不通利或推力前拒理觀一無數精進之風闕入門之緒故言勤修苦行非涅槃因吾祖大醫明誠斯在上四意擬四悉檀叙因緣竟

明正意第二

請觀音疏依舊人約十意明方法二一嚴淨道場二作禮三燒香散華四繫念數息五具楊枝淨水六請三寶七誦咒八披陳九禮拜十坐禪疏但釋經不暇細出方法故且依舊列而已百錄既正明事儀其意少別舊家五具

楊枝六始請聖百錄依經請後楊枝舊家十
坐禪百錄移爲誦經便將第四數息爲禪舊
坐則重而闕唱誦故今數雖十專依百錄爲
準然此十意各具事理皆通感應俱徧三業
悉淨三障咸會三德解脫要道一何坦然故
約事即今十科事行約理惟二一順陀羅尼
中道正觀二歷事修觀此之事理必藉三業
三業成機理無不應應即業淨業淨即障除
障除即會德會德即無事理亦無感應一切
寂然誰論十意問嚴淨道場始能置辦通具

事理可爾云何便論感應乃至會德答十意
約別不無方便正修之異今約通論既許具
事理何疑惑感應等耶況復凡云請聖皆約三
義一標心二行三證且置辨道場觸類標心
擬求何事三業行淨非時尚感況道場乎歷
事觀理義同於證三請意足豈無應耶道場
尚爾餘九可知更爲引經通證十意感應等
者經云汝今應當五體投地燒香散華繫念
數息爲衆生故當請彼佛及二菩薩說是語
時佛及菩薩俱到此國此乃牟尼纔示設請

之法都未修行但云說此語時佛等早降自
非三請之力安致於斯投地證二番作禮餘
證請等三意又國人面授楊枝淨水此證道
場及第六意三呪皆云現前見佛證誦呪意
處處破障見佛文證披陳意得聞此經受持
讀誦等即超越無量無數阿僧祇劫生死之
罪證唱誦意十意整足感應炳然行者思之
首尾十意既勞三業勿使唐喪常悲灑血韋
提扣頭此亦今初二意感應之明證餘可例
知云何凡置道場猥同俗務反招罪累滅障

良難此如輔行記所訶至於正修須心通廣
遠事理明白自或未達當詢解者書云自用
者小弗詢勿庸十意今當說

第一莊嚴道場

百錄云當嚴飾道場香泥塗地懸諸幡蓋安

置佛像南向觀音像別東向止觀云於淨處道

場請彌陀像觀音勢至像安於西方

道場正須安觀音像

東向於觀音右有安勢至於左肩南向安佛像

當中更安釋迦無妨須莊嚴畢備後復安像
設楊枝淨水若便利左右以灰塗身澡浴清淨
著新淨衣百錄云行者十人已還當西向席

地地若卑濕置低脚牀當日盡力供養若不能辦初日不可無施輔行云雖身口精誠須假以福助日日為者彌為增上恐力不逮聽從初日必先課已資財以伸傾竭百錄按大悲經三七日按此經七七日悉用齋日建首理觀者輔行云歷事修觀約尊容道具止相觀云造場即清淨境界也治五住顯實所嚴能嚴雖多不出定慧供養雖眾不出動與不勸止觀云香泥者即無上尸羅也輔行云究竟戒香徧塗實理蓋者止觀云施即翻也翻法界上迷生動出之解蓋者觀五陰免子縛起大慈悲覆法界也輔行云觀陰本空如免子縛無緣惡陰故徧法界入靜處者止觀云遠離二邊稱之為靜處者諦理是處

也中道之法幽遠深邃故也彌陀像等疏云表如來法身實相之境觀音表中道正觀之智大勢表福德神直之義對四方者對五行即名金主決斷剛直之義對四諦即對道名能通用智慧見理故大智觀音能消伏毒害左右出入者左表實即出是散以定止散故須左出右表攝入表實即以修實觀障淨智故須入澡浴者止觀以修實觀障淨智故須云所除如灰塗正觀如清水淨究身上垢也又助道如灰塗正觀如清水淨究身上垢也新淨衣若百錄表寂滅忍三邊醜陋輔行云寂忍稱體如衣在身問便利何無觀解然但便利飲食非三昧行義所制故文無解若作觀何妨如華嚴淨行品文又便利時順經作想蕩除冀穢還得清淨餘文既非常制悉可隨意作觀但令順圓正助雅合法相向後書

第二作禮法

百錄云各執香爐一心一意向彼西方五體投地使明了音聲者唱輔行云五體投地理須雙膝前詣雙肘續施後方額扣肝膽委地想佛足下施手承足如對目前疏云大聖常欲濟拔為無瘡之者毒不能入故今三業為

機相解者疏云地是一質相地若與薩婆若陰此是平荷毒害不消沉淪生死今明五體是五陰左脚是色右脚是受左手是行右手是表想頭是識何故爾戒是色法無作冥密如陰表左脚也識何故爾戒是色法無作冥密如表右脚也識何故爾戒是色法無作冥密如表思數如陰表左手也五識在頭能了別故是防對頭也若依薩婆若地者得五分法身成是防護七支故是色陰定是三昧正受故是

受陰慧是悟虛智即想陰解脫是行行能招累解脫無累故對行陰解脫知見是識陰能了別故以五分法身代生死五陰經云因滅是色獲得常色受想行識亦復如是是以名五體投地令毒害消伏則出生死備然累毒也

一心頂禮本師釋迦牟尼世尊

一心頂禮西方無量壽世尊

一心頂禮過去七佛世尊

一心頂禮十方一切諸佛世尊

一心頂禮消伏毒害陀羅尼破惡業障陀羅

尼六字章句陀羅尼

一心頂禮十方一切尊法

一心頂禮觀世音菩薩摩訶薩

一心頂禮大勢至菩薩摩訶薩

一心頂禮十方一切菩薩摩訶薩

一心頂禮舍利弗等聲聞緣覺賢聖僧

禮佛想云能禮所禮性空寂感應道交難思議我此道場如帝珠釋迦牟尼影現中

我身影現釋迦前頭面按足歸命禮至禮無量壽佛即云無量壽佛影現中云云禮法想云真空法性如虛空常住法寶難思議我身影現法寶前莫不皆悉歸命禮禮諸佛上禮佛作想但改爲菩薩等惟禮觀音云爲求滅障按足禮此是滅悔之主別須三禮表破三障及勤重故耳

第三燒香散華

永樂北藏

請觀音消伏毒害三昧儀

第一五三冊

止觀云燒香運念三業供養輔行云王業供

養者身翹跪口宣唱意運想百錄云禮竟燒

香散華而作是言

是諸衆等各各胡跪嚴持香華如法供養供

養十方法界三寶

至此捧香華想云願此香華徧十方以爲微妙光明臺諸天音樂天寶香諸天餽饌天寶衣不可思議妙法塵一塵出一切塵一一塵出一切法旋轉無礙互莊嚴徧至十方三寶前十方法界三寶前悉有我身修供養一皆悉徧法界彼彼無礙無障礙盡未來際作佛事普熏法界諸衆主蒙熏皆發菩提心同入無生證佛智想已散華更執手爐口發誠言云

願此香華雲徧滿十方界供養一切佛尊法
諸菩薩無量聲聞衆以起光明臺過於無邊
界無邊佛土中受用作作佛事普熏諸衆生皆
發菩提心起已一禮收生具至坐禪處理解
者疏云香即熏馨遮掩臭穢表智
慧斷結香即智慧也亦名止善華能嚴飾表
定定是福德莊嚴亦名行善復次華以表慧
華是可見之法對慧是照了見理之義香以
表定香以冥熏對定寂靜之義作此互對者
通明慧中有定定中有慧別明各具定慧復
次香對無作行善無作因作而發不須更作
任運常起如燒香時用火爲緣即使香煙任
運徧滿華對作善不作善則不生如華以手
散香若不運華則不散用
此合十種行人明消伏意

第四繫念數息

百錄云當向西方結跏趺坐繫念數息令心
不散勿數風喘氣爲衆生故經十念頃疏云
十息爲一念凡百息爲十念禪波羅蜜云初
至繩牀令坐安穩若半加以左脚置右胫上
牽來近身令脚指與左右胫齊若全加即上
下右脚置左胫次左掌置右掌上頓置左胫
近身當心而安正身端直令鼻與臍相對平
面正住閉口唇齒纔相拄著舉舌向齶閉眼
纔令斷外光而已息者有聲曰風結滯曰喘
不細曰氣不聲不結不羸不澀不滑出入綿

綿若存若亡資神安隱曰息守風散喘滯氣
勞息定百錄云成十念已次念十方佛七佛
世尊色身實相妙身猶如虛空又當慈念一
切衆生作此念時如一上禪久運念已安詳
徐覺疏云繫念是勸意繫念之請下根即得
未到地定此是喜發諸禪無漏見十方佛念
息域意不同若諸禪即此十念約十種行人數
和即消伏果報上毒害若數息時開發善心
惡業俱息具世善即人天數息若觀息是風
氣風即色能觀心王是識領受此息緣想此
息其餘是行息具五陰即四念處名聲聞息
若觀息過去無明因緣成今果報之息三世
因緣是緣覺息若觀息不保不若名檀不起
不善名尸安耐此數名忍念念相續名進不知

數不亂名定照了風喘邪正是智或事六度
息若觀息成無相慧名通教息若觀息不空
不若觀息中道佛性前後觀之名別教息若觀
此息一心三諦無次第前後名國教息若觀
者經文今念七佛等也輔行引婆沙云諸法
本來無生無滅無障礙言障礙者謂須彌山
故於一切處得無障礙言障礙者謂須彌山
等是人未得天眼念他方佛得禪定法隨意
見佛亦應細約十種行相疏云十方佛即十
法界皆有佛性七佛七覺分也念生佛生者應
緣四諦境起慈悲為便文繁不引可以意思
應知繫念勿得輕心但為歛念而已須知行
人根性不同於三七日若七七其相貌今
故疏中廣約三根及十種行人明其相貌今
旨趣在遠行約十種行人明消伏意門
例然一一約十種行人明消伏意門
第五召請
疏云請有三義一為自請二為他請三護正

法請自請如斯那爲他如月蓋護法如士言
偈自請是攝善法戒爲他是攝衆生戒護法
是攝正法戒得意者三祇是一欲使自身戒
定慧明淨即是攝善法以已利他即攝衆生
心佛及衆生是三無差別今逐行者傍正或
自爲正餘爲傍乃至護法亦爾自請復有三
延請祈請願請爲他護法亦此三也延即屈
伸俯仰延致之義對身業如五體投地是也
祈即發口千求即口業如四行偈是也願即
要心處所即繫念是也然別對雖爾通則必

具三業合行宜在得意今義當延請百錄云
今一人裝香火各各互跪召請輔行云互跪
之儀三處翹聳曲身合掌目注金容近代澆
醜都無跪相慢幢未折業海難傾尚縱穢軀
安期大道視斯明誠切在勤拳請云

一心奉請南無本師釋迦牟尼世尊

三偏奉請前所

禮三寶

請佛想云我三業性如虛空釋迦如來亦如是下起真際爲衆生與衆俱來受供養請法云法性如空不可見常住法寶難思議我今三業如法請唯願顯現受供養請僧同前請佛但改名字爲異耳

諸本懺法於奉請後說偈讚佛惟此懺無讚
歎文今依三請觀音經錄偈就刊于此

大悲大名稱 吉祥安樂人 常說吉祥句

救濟極苦者 衆生若聞名 離苦得解脫

亦遊戲地獄 大悲代受苦 或處畜生中

化作畜生形 教以大智慧 令發無上心

或處阿修羅 軟言調伏心 令除憍慢習

疾至無爲岸 現身作餓鬼 手出香色乳

飢渴逼切者 施令得飽滿 大慈大悲心

遊戲於五道 常以善習慧 無上勝方便

晉教一切衆 今離生死苦 常得安樂處

到大涅槃岸 讚歎已隨
意陳情

第六具楊枝淨水

經云爾時毗舍離人即具楊枝淨水授與觀

世音菩薩止觀但云設楊枝等不言授與今

依經今行人跪授唱云

我今已具楊枝淨水唯願大悲哀憐攝受三

輔行事解云以觀音左手把楊枝右手持漂
針是故請者須備二物疏云此是勸具要因
正爲機感也楊枝拂動以表慧淨水澄淨以
表定楊枝又二義一拂除對消義二折伏即
伏義又拂除對消義二折伏即對消義又四
亦二義一洗淨對消義二醒悟對消義又四

義一洗二潤三醒悟四安樂洗對消滅之
消潤對消除醒悟對降伏之伏安樂對平伏
之伏又洗除對消伏毒害大悲拔苦是慈義
潤漬是大慈與樂是定義醒悟是慧義安樂
是定義約十種行人
各作與拔等云云

第七誦三呪

行人先知云何呪義疏云呪名呪願如螟蛉

法亦名呪術此術法盡與十種行人毒害相

應密能消伏

七種行人者分段有八一受苦
報人二修世善三修聲聞四修

緣覺五修六度六修通七修別八修圓變易
有二別三十心入圓初住已上各有苦業變

見毒害具
如疏釋

又云此呪即實相正觀為體非空非有遮二

邊惡業持中道正善具足三德不縱不橫諸
佛祕要不可思議又云靈智寂照法身為體
感應為宗救厄拔苦為用歷四教十法界消
除三障當知此呪神用廣遠止觀云消伏毒
害陀羅尼能破報障毗舍離人平復如本破
惡業陀羅尼能破業障破梵行人蕩除糞穢
今得清淨六字章句陀羅尼能破煩惱障淨
於三毒根成佛道無疑疏以初呪破煩惱六
字破報各有經證蓋三呪各能破於三障故
互論皆得既略知梗槩當自籌計於十種人

中投心何位欲消何障欲期何事又消障應
從重者對治重者若滅輕者隨去決起精進
不得自疑三世諸佛真實法印豈虛也哉將
欲誦咒先互跪合掌一心一意三稱三寶及
觀世音名疏云三稱三寶表除三障應令
衆聲起伏同時勿使喧亂惑心
南無佛南無法南無僧南無觀世音菩薩摩
訶薩大悲大名稱救護苦厄者三稱竟
復唱云
願救我苦厄 大悲覆一切 普放淨光明
滅除癡闇瞋 爲免毒害苦 煩惱及衆病
必來至我所 施我大安樂 我今稽首禮

聞名救厄者 我今自歸依 世間慈悲父
唯願必定來 免我三毒苦 施我今世樂
及與大涅槃
三說然此四偈初二正請次二結集初中有
二初偈總請次偈別請初偈又二初一句唯
自請次三句通自他言苦厄者六根患也覆
一切者通於十界也普放者請大智光除癡
暝也次別請別標三障也毒害苦業障也二
障如文大樂即涅槃涅槃即三德三德破三
障次二行結請如文悲父等義更須尋踪
爲喜誦此四偈者爲轉障之緣亦爲入觀相
應之本故須略識仍一一須約十種行
人此下經文數咒體用誦時作白佛想
白佛言世尊如是神咒必定吉祥乃是過去
現在未來十方諸佛大慈大悲陀羅尼印聞

此咒者衆苦永盡常得安樂遠離八難得念
佛定現前見佛我今當說十方諸佛救護衆
生神咒

多耶他 嗚呼臚 摸呼臚 闍婆臚 耽

婆臚 安荼訶 盤荼訶 首埤帝 般般

荼囉囉 婆私臚 多經他 伊梨 寐梨

鞞首梨 迦婆梨 佉鞞端耆 旃陀梨

摩蹬耆 勒叉勒叉 薩婆薩埵 薩婆婁

耶啤娑訶 多荼毗 伽帝伽帝 臚伽

帝 脩留毗 脩留毗 勒叉勒叉 薩婆

薩埵 薩婆婆耶啤 娑訶

或三或七
徧結經云

白佛言世尊如此神咒乃是十方三世無量
諸佛之所宣說誦持此咒者常爲諸佛諸大
菩薩之所護持免離怖畏刀杖毒害及與疾
病令得無患說是語時毗舍離人平復如本

起一拜已復
跪下去例然

次誦破惡業障陀羅尼

爾時世尊憐愍衆生覆護一切重請觀世音
菩薩說消伏毒害咒爾時觀世音菩薩大悲
熏心承佛神力而說破惡消伏毒害陀羅

尼呪

南無佛陀南無達摩南無僧伽南無觀世音
菩提薩埵摩訶薩埵大慈大悲唯願愍我救
護苦惱亦救一切怖畏衆生令得大護

怛經他 陀呼膩 摸呼膩 闍婆膩 耽

婆膩 阿婆熙 摸呼脂 分荼梨 槃荼

梨 輸鞞帝 般荼囉 婆私膩 休樓休

樓 分荼利 兜樓 兜樓 般荼梨 周

樓周樓 膩般荼梨 豆富豆富 般荼囉

婆私膩 剎墀 跡墀 膩跡墀 薩婆阿

婆耶羯多 薩婆叵婆 娑陀伽 阿婆耶

界離陀 閉殿 娑訶

一切怖畏一切毒害一切惡鬼虎狼師子聞
此呪時口即閉塞不能爲害破梵行人作十
惡業聞此呪時蕩除糞穢還得清淨設有業

障濁惡不善稱觀世音菩薩誦持此呪即破

業障現前見佛

次誦六字章句陀羅尼

南無佛 南無法 南無僧

南無釋迦牟尼佛

南無觀世音菩薩摩訶薩

我今當誦大吉祥六字章句救苦神呪

多經他 安陀罽 般陀罽 枳由罽 檀

陀罽 羶陀罽 底耶婆陀 耶賒婆陀

頗羅臙祇毗質雌 難多罽 婆伽罽 檀

盧禰 薄鳩罽 摸鳩隸 兜毗隸 娑訶

爾時世尊說是神呪已告阿難言若善男子
善女人四部弟子得聞觀世音菩薩名號并
受持讀誦六字章句若行曠野迷失道徑誦
此呪故觀世音菩薩大悲熏心化爲人像示

其道路令得安隱乃至獲大善利消伏毒害

今世後世不吉祥事永盡無餘持戒精進念

定總持皆悉具足

第八披陳懺悔

呪竟當自憶念先罪起大怖畏未有惡業不

招苦報禪門云行者思惟若戒不清淨決須

懺悔是故經云佛法之中有二健兒一性不

作惡二作已能悔今造過知悔名健人也夫

懺名懺謝三寶及一切衆生悔名慚愧改過

求哀我今此罪若得滅者於將來時寧失身

命終不更犯知比丘白佛我寧抱是熾然大
火終不敢毀犯淨戒此下語出法華三昧復憶無始所
造乃至今生業性雖空果報不失顛倒因緣
起諸重罪流淚悲泣口宣懺悔應心念言我及眾生無始
常為三業六根重罪所障不見諸佛不知出
要但順生死不知妙理我今雖知猶與眾生
同為一切重罪所障今對觀音十方佛前普
與眾生歸命懺悔唯願加護令障消滅念已
云唱

晉為法界眾生悉願斷除三障歸命懺悔唱

五體投地心復念云我與眾生無始來今由
受見故內計我人外加惡友不隨喜他一毫
之善唯徧三業廣造眾罪事雖不廣惡心徧
布晝夜相續無有間斷覆諱過失不欲人知

不畏惡道無慚無愧撥無因果故於今日深
信因果生重慚愧生大怖畏發露懺悔斷相
續心發菩提心斷惡修善勤策三業翻昔重
過隨喜凡聖一毫之善念十方佛有大福慈
能救拔我及諸眾生從二死海置三德岸從
無始來不知諸法本性空寂廣造眾惡今知
空寂為求菩提為眾生故廣修諸
善徧斷眾惡唯願觀音慈悲攝受
至心懺悔比丘某甲稽首歸命十方三世三
寶本師釋迦牟尼佛等上所奉請諸佛賢聖
大悲觀世音菩薩憐愍覆護受我奉請顯現
道場受我懺悔比丘某甲等為法界沉淪苦
趣一切眾生發菩提心行菩薩道但以三業
六根多諸罪累三障厚重菩提行願不得現

永樂北藏

請觀音消伏毒害三昧儀

第一五三冊

前不能自利利人深自剋責今日奉請諸佛
賢聖大悲觀世音菩薩摩訶薩等懺悔過去
今生及未來世一切惡業三業六根三障三
毒自有身來流浪六道處處受形內無慧眼
外近惡人開放逸門造生死業枝條華葉徧
滿三界二十五有無不受生輪環無際相續
無窮偶得人身犯諸重戒一切諸犯輕重篇
聚多有毀犯違逆十方三世諸佛清淨妙戒
若不懺悔當墮阿鼻大地獄中畜生餓鬼阿
脩羅道天上人間受無量苦輪迴六道無解

脫期今日嚴淨道場誠心懺悔不敢覆藏唯
願尊者觀世音菩薩摩訶薩顯現道場放勝
光明照觸身心令得清一一戒根還得如
故興隆三寶起護法心起護戒心起四攝心
起慈忍心心如金剛願不更犯已犯之罪與
法界衆生俱同懺悔盡未來際常得修習善
提行願生生常處淨佛國土三障永除絕三
惡道永離衆苦成無上道虛空有盡我願無
窮法性有邊願心無極盡入如來願性海中

懺悔於願已
歸命禮三寶

續四

十五

第九禮拜

百錄云一心禮上所請三寶

禮拜事儀理觀井運念偈等並

如禮竟如法行道或三或七旋遶時口稱

南無佛 南無法 南無僧 南無本師釋

迦牟尼佛 南無無量壽佛 南無過去七

佛 南無十方諸佛 南無觀世音菩薩

南無大勢至菩薩 南無十方一切菩薩摩

訶薩

或七稱或三稱常隨意補助儀云欲行道時更須正立想此道場猶如法界十方三寶受塞虛空以次回身旋遶法座十方三寶心性寂滅影現十方心想如夢梵聲如響勿令心

散旋竟三自皈依

自歸於佛當願衆生體解大道發無上心竟

作禮復言

自歸於法當願衆生深入經藏智慧如海竟

作禮復言

自歸於僧當願衆生統理大衆一切無礙和

南聖衆禮作

第十誦經

百錄云今一人登高座唱誦請觀音經法華三昧

云夫誦經之法當使文句分明音聲辯不寬不急繫緣經中文句如對文不異不得認

永樂北藏

請觀音消伏毒害三昧儀

第一五三冊

誤次當靜心了音聲性空猶如谷響雖不得音聲而心歷歷照諸句義言辭辯了運此法音充滿法界供養三寶普施衆生今入大乘一實境界順此經意應令十種行人各得消伏毒害悉入大涅槃海 百錄云午前初夜施上方法餘

坐禪禮佛依常法是爲一日一夜規矩至第二乃至七七_{補四}日亦復如是輔行云餘謂四時

必依常儀不可廢也正意竟

勸修第三

止觀問曰上三三昧皆有勸修此何獨無答六蔽非道爲解脫道若更勸修失旨逾甚今何特違止觀而立勸修也然隨自意凡約四

法論修何妨勸善乎彼不勸之旨已在答文今別約依經方法經中佛自勸修豈關人情經云此陀羅尼名灌頂章句無上梵行必定吉祥大功德海衆生聞者獲大善利應當闍誦_{誦勸修也}此爲一經備揚大悲施無畏者念佛

三昧功德寶幢欲得現身見觀世音欲見釋迦無比色像欲於毛孔見無數佛欲於現身見八十億諸佛皆來授手爲說大悲無畏功德乃至現身發無忘施陀羅尼一切善願皆得成就後生佛前長與苦別如是稱善令受

持此咒滅三障者毗舍離人六根重病即得
平復饑饉王難惡獸盜賊牢獄枷杻羅刹毒
藥刀劍生難四百四病一時不起報也破梵行
人作十惡業聞此咒時蕩除糞穢還得清淨
過去業緣現造眾惡惡業惡行不善惡聚極
重惡業斯那比丘往昔惡行殺生無量皆得
消滅業也斷除三毒根成佛道無疑大火從四
面來焚燒已身龍王降雨設火焚身節節疼
痛三誦此咒即得除愈不被繫縛長貪欲瞋
恚愚癡三毒等畏譬如猛風吹去重雲即得

消伏煩惱也失國亡妻冤憎會苦三塗八難皆
得解脫稱歎無盡又偈云一切惡人惡口者
違逆此咒起不善現身白癩膿血流後墮地
獄長夜苦是故應當慈心護受持讀誦灌頂
句地獄清淨如蓮華餓鬼破碎無八難蓮華
化生為父母心淨柔軟無塵垢嗚呼諸佛慈
音如此稱讚誠實不虛願再讀再思勇發道
意少功大報當須一一約十種行人乃至等
覺生善滅惡明經力用廣如經說略勸修竟
已上擬經三分歸向流布偈

十方大悲海 佛法賢聖僧 護世觀世音
 能施無畏者 我集吉祥句 利益初心人
 唯願賜冥加 在所常流布

請觀世音菩薩消伏毒害陀羅尼三昧儀

金光明最勝懺儀

宋傳天台新觀四明沙門知禮集

一切恭敬

一心頂禮十方常住三寶

一拜已胡跪執爐云

願此香華雲徧滿十方界供養一切佛尊法

諸菩薩聲聞緣覺衆及一切天仙受用作佛
 事 供養已一切恭敬

一拜已復晚奉請云

一心奉請南無本師釋迦文佛東方阿閼四
 佛世尊寶華瑠璃寶勝佛等盡金光明經

中及十方三世一切諸佛

三請一禮

一心奉請南無大乘金光明海十二部經

三請

已一拜

一心奉請南無信相菩薩觀世音菩薩大勢

至菩薩金光明菩薩金藏菩薩常悲法上

盡金光明經內及十方三世一切菩薩聲